

Pranuar më: <u>24.02</u> 20 <u>20</u>		
Primitjeno:		
Njësia Ndërtimtare	Numri Broj	Shtojca Dodatak
<u>1-600-11220</u>		



VOICE OF ROMA,
ASHKALI AND EGYPTIANS



KOMUNA E LIPIJANIT

OPŠTINA LIPIJAN

MUNICIPALITY OF LIPIJAN

Bazuar në *Udhëzimin administrativ nr.19/2018 për themelimin dhe funksionalizimin e qendrave mësimore (tutje në tekst: UA)* të aprovuar nga Ministria e Arsimit, Shkencës dhe Teknologjisë më datën 7 Dhjetor 2018;

Në përputhje me *Strategjinë për përfshirjen e komuniteteve romë dhe ashkali në shoqërinë kosovare 2017-2021*, e cila prezanton vazhdimësinë e politikave të Qeverisë së Republikës së Kosovës, të cilat shërbejnë për fuqizimin e karakterit multi-etnicitet dhe multi-kulturalizëm në shoqërinë kosovare;

Në përputhje me *Deklaratën e Poznanit* të nënshkruar së fundmi nga partnerët e Ballkanit Perëndimor për integrimin e romëve në kuadër të procesit të zgjerimit të BE-së, në të cilin kryeministrat e Ballkanit Perëndimor ritheksojnë angazhimin e tyre për integrimin e Romëve në shoqëritë tona, si dhe zotohen të rrisin përpjekjet e tyre si pjesë e procesit të zgjerimit të Bashkimit Evropian dhe bashkëpunimit rajonal.

Në përputhje me përpjekjet e vazhdueshme të Komunës së Lipjanit për të përkrahur integrimin e komuniteteve romë dhe ashkali të përcaktuar në *Planin e veprimit lokal të komunës së Lipjanit*, arrihet marrëveshja në vazhdim:

MARRËVESHJE BASHKËPUNIMI

Ndërmjet

OJQ - Zëri i Romëve, Ashkalive dhe Egjiptianëve, përfaqësuar nga z. Isak Skenderi, Drejtor Ekzekutiv (referuar më poshtë si "VoRAE")

dhe

Komuna e Lipjanit e përfaqësuar nga z.Imri Ahmeti, Kryetar i Komunës (referuar më poshtë si "Komuna")

Neni 1

Qëllimi i marrëveshjes

Qëllimi i kësaj marrëveshjeje është bashkëpunimi rreth transferimit të përgjegjësive të menaxhimit institucional të qendrave mësimore të cilat ishin nën menaxhim nga OJQ-të e lartë përmendura nga viti 2011.

Neni 2

Roli dhe detyrimet e Komunës

Bazuar në nenin 3 të UA 19-2018 ku parashihet themelimi dhe administrimi i qendrave mësimore nga Komuna, si dhe në nenin 4 të po këtij UA ku parashihet regjistrimi i qendrave në Ministrinë e Arsimit, Shkencës dhe Teknologjisë (MASHT). Bazuar në këtë, Komuna merr përsipër:



VOICE OF ROMA,
ASHKALI AND EGYPTIANS



KOMUNA E LIPJANIT
OPŠTINA LIPLJAN
MUNICIPALITY OF LIPJAN

2.1. Menaxhimin e qendrave mësimore brenda periudhës kohore prej 30 (tridhjetë) ditësh, nga data e nënshkrimit të kësaj marrëveshjeje dhe atë bazuar në standarde të specifikuar në UA të cekura më lartë duke përfshirë:

- 2.1.1 Përdorimin e hapsirave ekzistuese ose në rast të jo përshtatshmërisë sigurimin e hapsirës më të përshtatshme;
- 2.1.2 Aplikimin e programit ekzistues për mësim plotësues;
- 2.1.3 Kontraktimin e stafit ekzistues;
- 2.1.4 Implementimin e rregullores së punës dhe rregullores për mbrojtjen e fëmijëve
- 2.1.5 Implementimin e planit të punës dhe planit financiar.

2.2 Regjistrimin e qendrave ekzistuese mësimore menjëherë pas shpalljes së aplikimit për regjistrimin e qendrave mësimore nga Ministria e Arsimit, Shkencës dhe Teknologjisë.

Qendrat mësimore ekzistuese të cila duhet të regjistrohen nga Komuna janë:

- 2.2.1 Qendra Mësimore në SHFMU “Ismail Luma” në Lipjan
- 2.2.2 Qendra Mësimore në SHFMU “ Haradin Bajrami ” në fshatin Magure
- 2.2.3 Qendra Mësimore në SHFMU “ Fehmi Agani ” në fshatin Medvec
- 2.2.4 Qendra Mësimore në SHFMU “ Zenel Hajdini ” në fshatin Gadime
- 2.2.5 Qendra Mësimore në SHFMU “ Shtjefan Gjecovi ” në fshatin Janjevë

2.3 Të planifikoj dhe zotoj fonde për mbështetjen e qendrave mësimore në planifikimin vjetor të buxhetit për arsim, bazuar në kërkesat e qendrave mësimore si dhe të planifikoj buxhetin bazë/fillestar për themelimin dhe funksionimin e qendrave mësimore me bazë në komunitet dhe me bazë në shkollë, përmes granteve specifike të arsimit.

2.4 Komuna zotohet se gjatë periudhës 3 (tri) vjeçare të mbështetjes së vazhdueshme të qendrave mësimore nga VoRAE do të ndaj raportet narrative dhe financiare të punës së qendrave me organizatën në fjalë.

Neni 3

Roli dhe detyrimet e OJQ-ve

3.1 Organizatat VoRAE marr përsipër:

- 3.1.1 Për të mbështetur Komunën në përgatitjen e dokumentacionit për aplikim dhe regjistrim të qendrave mësimore në MASHT.



VOICE OF ROMA,
ASHKALI AND EGYPTIANS



KOMUNA E LIPJANIT
OPŠTINA LIPLJAN
MUNICIPALITY OF LIPJAN

3.1.2 Mbështet ngritjen e shkathtësive dhe kapaciteteve të punonjësve të qendrave mësimore dhe Komunës për aplikim sa më të mirë të standardeve të përcaktuara me UA për qendrat mësimore.

3.1.3 Mbështet Komunën në planifikimin e fondeve të nevojshme për operimin e qendrave mësimore gjatë periudhës 3 (tri) vjeçare të tranzicionit duke filluar me:

3.1.3.1. Vitin e parë me 100% nga VoRAE;

3.1.3.2. Vitin e dytë me 50% nga Komuna dhe 50% nga VoRAE

3.1.3.3. Vitin e tretë 100% nga Komuna, duke kaluar përgjegjësia e plotë tek Komuna.

3.2 Buxhetin për zbatimin e programit të qendrave mësimore, VoRAE do të ja transferojnë Komunës që do t'i ketë ato në dispozicion për implementim.

Neni 4

Zbatimi i marrëveshjes

Palët përgjigjen në mënyrë reciproke për përmbushjen e detyrimeve dhe kushteve të parashikuara në këtë marrëveshje bashkëpunimi, duke qenë partnerë në koordinimin e të gjitha nismave që do të garantojnë.

Neni 5

Zgjidhjet e mosmarrëveshjeve

Në rast se në mes të palëve të kësaj marrëveshjeje, paraqiten paqartësi apo mos pajtime, palët pajtohen se do të tentojnë t'i zgjidhin përmes bisedimeve.

Neni 6

Ndryshimi/plotësimi i marrëveshjes dhe shkëputja e saj



VOICE OF ROMA,
ASHKALI AND EGYPTIANS



KOMUNA E LIPLANIT
OPŠTINA LIPLJAN
MUNICIPALITY OF LIPLAN

6.1 Kjo marrëveshje mund të ndryshohet ose të plotësohet, apo të shfuqizohet në mënyrë automatike me hyrjen në fuqi të ndonjë ligji, fushëveprimi i të cilit prek ndonjë nga pikat e kësaj marrëveshje apo aktet tjera nënligjore dispozitat e të cilave janë në kundërshtim me këtë marrëveshje.

6.2 Marrëveshja mund të ripërtërihet, ndryshohet ose të plotësohet me aneks të veçantë i cili do të jetë pjesë përbërëse e kësaj marrëveshjeje, në bazë të nevojave dhe zhvillimeve të cilat paraqiten gjatë zbatimit.

6.3 Inicimi i ndërprerjes së marrëveshjes mund të bëhet nga secila palë subjekt i kësaj marrëveshje të bashkëpunimit me njoftim paraprak me shkrim, në afat prej tridhjetë (30) ditësh para ndërprerjes ose zgjidhjes së marrëveshjes. Njoftimi paraprak me shkrim, duhet të përmbajë sqarime të arsyetuara dhe të hollësishme mbi arsyet e ndërprerjes ose zgjidhjes së marrëveshjes.

6.4 Llogaritja e kohës së njoftimit fillon nga data e pranimit të letres njoftuese.

Neni 7

Kohëzgjatja

Marrëveshja është e vlefshme deri në arritjen e plotë të transferimit të detyrave dhe përgjegjësive nga organizata tek Komuna dhe jo më gjatë se 3 (tri) vjet nga data e nënshkrimit.

Neni 8

Hyrja në Fuqi

8.1 Marrëveshja hyn në fuqi me nënshkrimin e përfaqësuesve të autorizuar të palëve.

8.2 Kjo marrëveshje është hartuar në 2 (dy) kopje identike, nga 1 (një) për secilën palë.

Palët nënshkruese

Komuna e Lipjanit

23/09/2020

Imri Ahmeti,



VoRAE

1/2020

Isak Skenderi,

